



Terenga 6: Hōtaka 41 – He kīanga whakamahuki

He Mihi

E te hunga pūnganangana te kauawhi nei, rarau mai ki runga i te papa o Ako. Ki konei tātou whakamahiti korou ai ki te whakaū, ki te whakawhānui, ki te whakapuaki anō hoki i ō tātou reo kōrero.

Hei Mahi Whakarongo

E kore e mutu aku mihi ki a Raukatauri, nāna i waihanga te hōtaka ātaahua o Whakataukī hei putunga kōrero mō ngā āhuetanga huhua o ō tātou tūpuna. Ko Te Purewa te tupuna e kōrerohia ana i te rā nei, e te tautōhito, e Pou Temara. Anei ngā pātai hei whakautu mā koutou:

- 1) Ko wai te toa o rāua ki te pakanga?
- 2) Ko wai tētehi o ā Te Purewa hoariri i ōna wā?
- 3) Nō tēhea wā a Te Purewa?

He Whakamārama


Ka kitea ngā pūmuri, otirā he pūwāhi te nuinga, i ētehi kīanga hei tohu ake, e whai pānga ana taua kīanga ki tētehi wāhanga o te rerenga kua puta kē i mua. Tirohia ēnei tauira:

- a) Ko Pita te tangata i kōrero rā au. *Peter is the one I was talking about.*
- e) Ko wai anō te tangata i tūtaki rā tāua? *Who was it that we met?*
- i) Arā te whare e tū ai te hui āpōpō. *That building is where the meeting will be held tomorrow.*

He momo kīanga tēnei hei āpiti whakamahuki ki tētehi **tūingoa**. Tirohia ēnei tauira:

- Haere ki te **whare** teitei.
- Haere ki te **whare** rā.
- Haere ki te **whare** o Pita.
- Haere ki te **whare** e tū ai te hui.

He Mahi Ī-papa



Whakamāoritia te rerenga kei runga i te ĩpapa.

Hei Mahi

Whakapākehātia ēnei rerenga kōrero e whai ake nei, kātahi ka tohu ai ko tēhea e mau ana i te kīanga e arotahihia ana i te hōtaka nei:

1. Ko ia te tangata e kōrero ana.
2. Ko ia te tangata e kōrerohia ana.
3. Ko ia te tangata e kōrero nei au.

Whakautu:

Mahi ĩpapa: *Ko ia te kaiako e arotakehia nei e tātou. Ko ia te kaiako e arotake nei tātou.*

Hei Mahi:

1. He's the one speaking.
2. He's the one being spoken about.
3. He's the one I'm talking about.

Ko te nama tuatoru te rerenga e mau nei i te kīanga o te rā.